

ACTA NÚM. 7/2023.

ACTA DA SESIÓN CONSTITUTIVA DA CORPORACIÓN MUNICIPAL DO CONCELLO DE BRIÓN, CELEBRADA O DÍA 17 DE XUÑO DE 2023.

No salón de plenos da Casa do Concello de Brión, sendo as 12,00 horas do día 17 de xuño de 2023, para dar cumprimento ao disposto polos artigos 195 e 196 da Lei orgánica 5/1985, do 19 de xuño, de réxime electoral xeral (en adiante LOREG), e artigos 36 e 37 do RD 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais (en adiante ROF), referentes á constitución das corporacións locais e á elección de alcalde, reuníronse, en sesión pública, os/as señores/as concelleiros/as electos nas eleccións locais celebradas o día 28 de maio de 2023, que son os seguintes segundo a acta de proclamación de concelleiros electos formalizada pola Xunta Electoral de Zona de Santiago de Compostela, de data 8 de xuño de 2023, e escrito da mesma Xunta Electoral de Zona do 12 de xuño de 2023, polo que se admite a renuncia ao cargo de concelleira de Natalia Fariña García da formación política do Partido Popular, e se expide credencial a nome da candidata que por orde de colocación na mesma lista e candidatura lle corresponde, Trinidad Yolanda Rico Rodríguez:

-. PARTIDO DOS SOCIALISTAS DE GALICIA - PSOE: PABLO LAGO SANMARTÍN; SANDY MARIE CEBRAL GÓMEZ; CARLOS NOYA PEREIRA; MARÍA GUARINA REY VÁZQUEZ; JOSÉ ANTONIO VIDAL GONZÁLEZ e MARÍA ROSA ROMERO FARIÑA.

-. PARTIDO POPULAR: MARÍA FARIÑA BELLÓN; WALDO CARBALLO GARCÍA; ADRIÁN GARCÍA GARCÍA e TRINIDAD YOLANDA RICO RODRÍGUEZ.

-. BLOQUE NACIONALISTA GALEGO: XOSÉ LUIS PENAS CORRAL; TERESA A. ANDRADE CARRILLO e FRUCTUOSO SOUTO CASTIÑEIRA.

Os/as concelleiros/as están asistidos polo secretario do Concello Javier Nieves González, quen fai constar que foi cumprimentado o requisito que preceptúa o art. 7 do ROF.

Finalmente se sinala que en cumprimento do preceptuado no art. 36 do ROF, levouse a cabo un arqueo extraordinario con referencia ao día 16 de xuño de 2023, que no seu caso estaría pendente de conciliación no suposto de que algunha entidade bancaria realizase algunha anotación posterior, preparado e actualizado cos xustificantes das existencias, depositados na caixa municipal ou entidades bancarias, que reflicte a seguinte situación:

-. Caixa Corporación. Existencias en metálico: 362,73 euros.

-. Saldos totais en Bancos: 5.286.551,62 euros.

-. Total Tesourería existencias en metálico: 5.286.914,35 euros; que se pon a súa disposición xunto coa documentación relativa aos bens do patrimonio da Corporación, que ofrece o seguinte detalle segundo a última rectificación do Inventario aprobada polo Pleno con data 21 de decembro de 2022 referida ao 31 de decembro de 2021:

-. Inventario a 31 de decembro de 2021: 40.458.017,83 €.

-. FORMACIÓN DA MESA DE IDADE, XURAMENTO OU PROMESA, CONSTITUCIÓN DA CORPORACIÓN E PROCLAMACIÓN DE CANDIDATOS PARA A ELECCIÓN DE ALCALDE.

Seguidamente procedeuse a formar a Mesa de Idade, integrada polo concelleiro electo de maior idade, de entre os asistentes MARÍA ROSA ROMERO FARIÑA que pasa a presidila, e polo de

menor idade, tamén de entre os asistentes SANDY MARIE CEBRAL GÓMEZ, e actuando como secretario da mesma o secretario do Concello.

Logo de constituída a Mesa de Idade, pola mesma se procede a comprobar as credenciais presentadas ou acreditacións da personalidade dos electos, con base á certificación recibida da Xunta Electoral de Zona de Santiago de Compostela e, comprobado que se cumpre a esixencia determinada polos artigos 195.4 da LOREG e 37.4 do ROF, pola Mesa declárase constituída a corporación, previo cumprimento do requisito legal de prestar xuramento ou promesa de cada un dos concelleiros/as asistentes, segundo dispón o art. 108 da LOREG, baixo a fórmula que establece o Real Decreto 707/1979, do 5 de abril, procedéndose a prestar persoalmente por todos os/as concelleiros/as o xuramento ou promesa.

Acto seguido continuouse, de acordo co que dispón o artigo 196 da LOREG, á proclamación de candidatos para a elección de alcalde, de entre os/as concelleiros/as que encabezan as distintas listas que obtiveron representación nas pasadas eleccións locais, resultando presentados e proclamados os seguintes:

CANDIDATOS. LISTA OU CANDIDATURA NA QUE ESTÁN INTEGRADOS.

1-. PABLO LAGO SANMARTÍN. PARTIDO DOS SOCIALISTAS DE GALICIA - PSOE.

2-. MARÍA FARIÑA BELLÓN. PARTIDO POPULAR.

-. ELECCIÓN DE ALCALDE.

Acto seguido, de acordo co que dispón o artigo 196 da LOREG, procedeuse á elección de alcalde, iniciándose a votación para elixilo de entre os candidatos proclamados a este cargo, obténdose o seguinte resultado:

1) PABLO LAGO SANMARTÍN. Número de votos obtidos: 6.

2) MARÍA FARIÑA BELLÓN. Número de votos obtidos: 4.

Non obténdose por ningún candidato a maioría absoluta dos votos emitidos polos/as concelleiros/as é proclamado alcalde electo do Concello de Brión PABLO LAGO SANMARTÍN, segundo dispón o art. 196.c. da LOREG, ao ser o concelleiro que encabeza a lista que obtivo maior número de votos populares nas eleccións locais do 28 de maio celebradas neste concello.

De seguido o concelleiro que resultou elixido como alcalde deste Concello PABLO LAGO SANMARTÍN, integrado na lista do Partido dos Socialistas de Galicia - PSOE, previa nova promesa na forma anteriormente mencionada, toma posesión do seu cargo neste mesmo acto, pasando a ocupar a Presidencia, e sinala que quero que as miñas primeiras palabras sexan de agradecemento aos veciños, á miña familia, e aos concelleiros que me acompañan. Moitas grazas.

E non habendo máis asuntos que tratar deuse por rematada a sesión, levantándose a mesma cara as doce horas e vinte e dous minutos, de todo o que como secretario certifico, de orde e co visto e praxe do señor alcalde.

O alcalde
Vº e Praxe

O secretario

Pablo Lago Sanmartín

Javier Nieves González